



Publicaziuns dalla vischnaunca, jamna 51

Damonda da baghegiar

2014-1052.000

Datum dalla publicaziun: 19 da december 2014

Il patron: Armin Manetsch, Via America 8, 7183 Mumpé Medel

Il representant: Armin Manetsch, Via America 8, 7183 Mumpé Medel

Object: Spazzar il baghetg d'economia e reconstruir in niev baghetg, parcella 2442, Ils Bots,
7183 Mumpé Medel

2014-1053.000

Il patron: Victor ed Erika Candinas, Via Acletta 25, 7180 Disentis/Mustér

Il representant: Maissen architectura ed immobilias SA, Via Alpsu 8, 7180 Disentis/Mustér

Object: Construcziun d'ina casa nova, parcella 3930, Via Cafeni, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 da december 2014

Uffeci da baghegiar Disentis/Mustér

Administraziun communal

Sur las fiastas da **Nadal** e **Daniev** ei l'administraziun communal serrada ils suandonts dis:

Mesjamna, ils 24 da december 2014

Gievgia, ils 25 da december 2014

Venderdis, ils 26 da december 2014, Sogn Stiafen

Mesjamna, ils 31 da december 2014

Gievgia, igl 1. da schaner 2015

Venderdis, ils 2 da schaner 2015

Nus giavischein ina biala fiasta da Nadal ed in bien onn 2015!

Administraziun communal Disentis/Mustér

Cussegl da vischnaunca

Revisiun lescha da pumpiers – Informaziun studis avegnir Center da sport e cultura

Ella gisiatavla seduta dils 12 da december 2014 ha il cussegl da vischnaunca sut il tgamun da Flavio Murer tractau ed approbau la revisiun dalla lescha da pumpiers Gia dapi 2009 collaboreschan las vischnauncas da Sursassiala sil sector da pumpiers. Quella collaboraziun ei secumprovada, quei ton pertuccont la qualitat dil survetsch sco era arisguard ils cuosts da menaschi ch'ei sesminui. Ils pumpiers da Sursassiala gaudan aulta renconuschientscha per l'oreifra lavur. La finamira principala

dalla revisiun ei che la lescha vertenta corrispunda buca pli al dretg surordinau e ch'ella ei per part grev applicabla. Plinavon vegn ella sincronisada cullas vischnauncas vischinontas. A caschun da sia davosa seduta digl onn 2014 ei il cussegl da vischnaunca vegnius informaus davart ils studis pigl avegnir dil Center da sport e cultura. Sper la damonda da sanaziun dil baghetg ei era in studi per augmentar l'attractivitat dil CSC vegnius elaboraus. Quei edifices ei ton pils indigens sco era pil turissem da gronda impurtonza. Avon che saver far grondas investiziuns ei la finanziaziun da sclar-



ir.

Il cussegl da vischnaunca ha plinavon eligiù Edgar Durschei sco president per 2015. Sco vicepresident ei Livio Zanetti vegnius eligius. Silsuenter han las commembras ed ils commembers dil cussegl astgau guder la beinmeritada tscheina finala ell'Ustria Cresta.

Referendum facultativ

A caschun da sia seduta dils 12 da december 2014 ha il cussegl da vischnaunca approbau la revisiun totala dalla lescha da pumpiers. Conform ad art. 21, lit. b dalla constituziun communal ei quella decisiun suttamessa al referendum facultativ. Il messadi e la lescha da pumpiers ein exponi per investa en casa communal (stanza nr. 10). Sin proposta da silmeins 80 votants exista la pusseivladad d'inoltrar enviers sura conclus il referendum enteifer 20 dis dapi la publicaziun officiala.

Suprastonza communal

Nova lescha davart la taxa da hosps e la taxa da turissem

Ils davos dis han tuttas personas che possedan dapli che ina habitaziun en vischnaunca survegniu dall'administraziun communal posta pertuccont la nova lescha davart la taxa da hosps e la taxa da turissem che entra en vigor cugl 1. da schaner 2015. Denter auter ei vegniu aschuntau al scriver d'informaziun in formular da declaraziun per indicar co las habitaziuns vegnan nezegiadas. Nus supplichein tut ils proprietaris da talas habitaziuns dad emplenir ora quei formular (per mintga habitaziun sto vegnir empleniu ora in formular separau) e da returnar quel enteifer 20 dis agl uffeci da taglia. Il formular da declaraziun sto era vegnir emplenius ora, sche las habitaziuns vegnan affittadas permanentamein a personas cun domicil en vischnaunca e buca per diever da vacanzas. Talas habitaziuns ein denton buca suttamessas alla taxa da turissem.

Per ulteriuras informaziuns stein nus bugen a Vossa disposiziun (tel. 081 920 36 36 ni e mail turissem@disentis.ch).

Grond engraziament per Vossa cooperaziun.

Uffeci da taglia Disentis/Mustér

Bien di, bien onn

Igl onn 2014 havein nus astgau festivar pliras occurrenzas da gronda impurtonza. Ils puncts culminants ein segiramein stai il giubileum da 1400 onns Claustra benedictina e l'EX14. Igl onn vegnent stein nus avon grondas sfidas e projects sco p.ex. turissem, contribuziun vid la sanaziun dalla Claustra e la meglieraziun funsila. Mo comunablamein era cun il sustegn da convischinas e convischins havein nus success. In grond engraziament admittel a tut tgi che s'engascha pil beinstar da nossa vischnaunca.

Jeu giavischel a convischinas e convischins bialas e graziusas fiastas da Nadal ed in legreivel e benediu 2015.

*En num dalla suprastonza communal
Francestg Cajacob, president communal*

Controlla da habitonts

Naschientscha

Riana Bucheli, naschida ils 5 da december 2014, feglia da Silvia e Guido Bucheli-Caduff.

Mortori

Sixten Friz, naschius ils 24 da matg 1968, morts ils 14 da december 2014.



Apparats d'udida

Gliendisdis, ils 29 da december 2014 saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. L'union Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invitaziun
Puntreis, Center da sanadad

Concert da Nadal communabel

Societad da musica Mustér, Chor baselgia s. Gions e scolars dil scalem superiur Sonda, ils 20 da december 2014 allas 20.00, baselgia s. Gions, Mustér.

Suenter concert stiva da caffè. Collecta.

Te e tustgets per affons da Peru

Era uonn offerin nus a Vus te e tustgets pils affons da Peru. Vegni sperasvi e gudi in te dad aung-hels e tustgets cun frina da tredi integrala da Gran Alpin. Il recav va cumpleinamein per la canorta e scola d'affons Urpi Wasi a Cusco Peru, che Barbara Casanova da Sursaissa ha fundau e meina dapi 1991 e nua che Manuela Dermon da Mustér s'engascha dapi 10 onns. Nus selegrein d'astgar survir a vus avon nossa casa silla Cuppa, sonda, ils 27 da december 2014 allas 14.00– 17.00 e da Silvester allas 11.00–16.00.

Ricardo, Curdin e Leina

Cantar dil retgs 2015

Ils sogns Retgs dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els speran d'astgar legrar e delectar biars cun lur viseta e cant. Il tur entscheivan els mintgamai allas 15.30.

Ina part dil recav va en favur d'ina ovra caritativa.

Gievgia, ils 1-1-2015

Puntreis, Center da sanadad SA (15.00), Mumpé-Tujetsch, Cuoz, Acla da Fontauna, Sax, Aclotta, Reka, Funs, Cons, Vitg, Carcarola, Scaletta

Venderdis, ils 2-1-2015

Mumpé-Medel, Clavaniev, Caschuarz, Raveras, Gonda, S.Gions, Davos-Mustér

Sonda, ils 3-1-2015

Cuppa, Latis, Cons-su, Dulezi, Faltscharidas, Sontget, Chischliun, Cavardiras, Pardomat, Madernal, Disla, suenter 19.00 ellas ustrias dalla vischnaunca

19.15 messa a Segnas

Dumengia, ils 4-1-2015

Messa a Mumpé-Medel (11.00), Segnas, Buretsch, Casa Nauscha, Peisel, duront la devoziun en baselgia S. Gions, duront la messa dalla sera en claustra